




101

Republic of the Philippines
Department of Education
Region IV-A
SCHOOLS DIVISION OF QUEZON PROVINCE



DIVISION ADVISORY NO. 004, S. 2023
January 26, 2023

Mula sa panawagan ng Komisyon sa Wikang Filipino para sa mga Tagamasid Pampurok, Puno ng mga Paaralan, pampubliko o pribado, elementarya o sekondarya at iba pang kinauukulan

DANGAL PANITIKAN 2023 AT MAKATA NG TAON 2023

Sa kaugnay na panawagan ay binabanggit ang pagbubukas ng nominasyon sa pagpipilian ng Dangal ng Panitikan 2023 at pagbubukas sa paglahok sa Makata ng Taon 2023 na inilunsad ng Komisyon sa Wikang Filipino. Tingnan ang mga kalakip na pamantayan.

Ipinapaalaala sa mga magiging kandidato sa pilian at lalahok sa patimpalak ang tungkol sa polisiya na nakasaad sa DepEd Order No. 9 s. 2025 re- "No Disruption of Classes."

Para sa kabatiran ng lahat.

ELIAS A. ALICAYA JR., EdD
Nanunumparang Pinuno
Pansangay na Tagapanihala ng mga Paaralan





DO 012323 - 108010


DepEd Quezon <quezon@deped.gov.ph>

Mula sa Komisyon sa Wikang Filipino

1 message

kwf timpalak gawad <timpalak.gawad@kwf.gov.ph>
To: quezon@deped.gov.ph

Mon, Jan 23, 2023 at 9:06 AM


 DEPED - QUEZON
 ICT UNIT
DOWNLOADED
 Date/Time: JAN 23 2023
 By: Ornela 12/1PM


4 attachments





DANGAL NG PANITIKAN 2023, bukás na sa mga nominasyon!.png
254K



Makata ng Taón 2023, bukás na sa mga lahok!.png
255K


 SDS OFFICE
RECEIVED
 Date/Time: JAN 23 2023
 By: [Signature]

 **DANGAL NG PANITIKAN 2023, bukás na sa mga nominasyon!.docx**
20K

 **Makata ng Taón 2023, bukás na sa mga lahok!.docx**
21K


 CID
RECEIVED
 Date/Time: JAN 25 2023
 By: [Signature]


 ASDS
RECEIVED
 Date/Time: 27 JAN 2023
[Signature]

Talaang Ginto: Makata ng Taón 2023, bukás na sa mga lahok!

MGA TUNTUNIN

1. Ang **Talaang Gintô: Makata ng Taón** ay isang patimpalak sa pagsulat ng tula na itinataguyod ng KWF na naglalayong pasiglahin at pataasin ang uri ng panulaang Filipino sa pamamagitan ng pagkilála sa mga batikan at baguhang talino at tinig sa sining ng tula.
2. Bukás ang timpalak sa lahat ng mga Pilipino—babae man o laláki—maliban sa mga kawani ng KWF at kanilang kaanak.
3. Ang entring ipapása ay maaaring isang mahabang tula na may isang daan (100) o higit pang taludtod, o isang koleksiyon ng sampung (10) maiikling tula (10–12 taludtod) na may magkakaugnay na tema. Kinakailangang may pamagat ang ipapásang koleksiyon. Malayà ang paksâ ngunit kailangang tumatalakay sa isang mahalagang paksaing panlipunan sa kasalukuyan. Ang ipapásang mahabang tula o maiikling tula ay malayà (walang tugma at súkat). Maaari ding ialinsunod ang paksâ ng kalipunan ng mga tula sa tema ng Buwan ng Panitikan 2023: **“Kultura ng Pagkakaisa: Pagpapaalab ng Pagkakaisa sa Pamamagitan ng Panitikan.”**
4. Ang lahok ay kailangang orihinal at nasusulat sa Filipino, hindi salin ng nalathala nang tula, at hindi pa nalalathala sa alinmang publikasyon. Ang sinumang mahúli at mapatunayang nagkasála ng pangongopya ay kakanselahin ng KWF ang ipinagwaging lahok nitó sa timpalak at hindi na muling makasasali pa sa alinmang timpalak ng KWF.
5. Pára sa pagsusumite ng lahok, ilakip sa isang brown envelope ang sumusunod:
 - apat (4) na kopya ng kompiyuterisadong lahok. Gagamitin ang font na Arial 12 pt, may dobleng espasyo, at may isang pulgadang palugit sa bawat gilid na nakaprint sa short bond paper na may súkat na 8 ½ x 11 pulgada;
 - Kinakailangang magtataglay lámang ng sagisag-panulat (pen name) na kailanman ay hindi pa ginamit at walang kahit anong pahiwatig ng tunay na pangalan ng kalahok;
 - Notaryo na nagpapatunay na orihinal at hindi pa nalalathala ang lahok;
 - Entry form (Sagutan, i-print at ilakip);
 - Curriculum vitae at/o bionote ng makata; at
 - Isang 2x2 retrato ng kalahok.Ipadalá ang lahok sa:

Lupon sa Talaang Ginto 2023

Komisyon sa Wikang Filipino
2/P Gusaling Watson, 1610 Kalye J.P. Laurel
San Miguel, Lungsod Maynila

7. Ang hulíng araw ng pagsusumite ng lahok ay sa **14 Pebrero 2023, 5:00 nh**. Hindi na mauurong ang araw ng pagsusumite.

8. Magpapadala ang KWF ng mensahe (text) kung natanggap na ang lahok.

9. Ang mga gantimpala ay ang sumusunod:

Unang gantimpala, PHP30,000 (net) + titulong “Makata ng Taón 2023”, tropeo, at medalya;

Ikalawang gantimpala, PHP20,000.00 (net) at plake;

Ikatlong gantimpala, PHP15,000.00 (net) at plake

12. Ang pasiya ng Lupon ng Inampalan ay pinal at hindi na mababago.
13. Ang lahat ng mga natanggap na lahok ay hindi na ibabalik at angkin ng KWF ang unang opsiyon sa paglilimbag ng mga nagwaging akda.
14. Pára sa karagdagang detalye, mag-text o tumawag sa 0928-844-1349 o mag-email sa timpalak.gawad@kwf.gov.ph

DANGAL NG PANITIKAN 2023, bukás na sa mga nominasyon!

Kumikilala sa mataas na ambag sa panitikan, ang Dangal ng Panitikan ay iginagawad sa mga manunulat at alagad ng sining na nakalikhâ ng mga akdang nag-iiwan ng bakás o humahawi ng landas sa larangan ng pagsusulat. Pangunahing konsiderasyon ang pagpapamalas ng pagpapahalaga sa kultura, kaakuhan, at kayamanang pamana, bukod sa pambihirang pagkasangkapan sa Filipino at iba pang wikang panrehiyon o panlalawigan. Isinasaalang-alang din ang mga nalathalang aklat at iba pang akda na kinikilala sa angkin nitóng husay, lawak, at lalim, alinsunod sa matalisik na pagtanaw ng mga kritiko at publiko.

MGA TUNTUNIN

1. Ang **Gawad Dangal ng Panitikan** ay ang mataas na pagkilála sa naiambag sa panitikang Pilipino o *lifetime achievement award*. Binibigyang-pagpupugay nitó ang natatanging manunulat na nagpakita ng pagpapahalaga sa kultura, kaakuhan, at kayamanang pamana, bukod sa pambihirang pagkasangkapan sa Filipino at iba pang wikang panrehiyon o panlalawigan.
2. Bukás ang nominasyon sa mga institusyon at/o manunulat—laláki man o babae—na nakapag-ambag sa pagpapayaman ng panitikan ng Pilipinas. Ang mga ambag ay dapat na nagpakita ng pagpapahalaga sa kultura, kaakuhan, at kayamanang pamana, bukod sa pambihirang pagkasangkapan sa wikang Filipino.
3. Pára sa mga indibidwal, kinakailangang may gulang na hindi bababâ sa apatnapung (40) taón. Pára sa mga samahán, tanggápan, ahensiyang pampamahalaán, at/o pribadong sektor, kinakailangang naestablisa nang hindi bababâ sa limang (5) taón.
4. Mayroong katipunan ng mga akda o gawaing nakapag-ambag sa panitikang Pilipino at mga katutubong wika ng Pilipinas (kinakailangang ilakip sa nominasyon bílang pruweba.)
5. Ang mga nominado ay marapat na manggaling sa rekomendasyon ng indibidwal o pangkat mula sa labas ng KWF.
6. Pára sa **nominasyon**, ihanda ang sumusunod na kompletong dokumento:
 - KWF Pormularyo ng Nominasyon (I-print-sagutan at ilakip);
 - Liham nominasyon na nagsasaad ng buod ng kalipikasyon ng nominadong indibidwal o samahán at nilagdaan ng nagnomina;
 - Curriculum vitae (kung indibidwal) o profayl ng organisasyon (kung samahán); at
 - Mga pruweba sa katipunan ng mga akda na nagpakita ng pagpapahalaga sa kultura, kaakuhan, at kayamanang pamana, bukod sa pambihirang pagkasangkapan sa wikang Filipino.
7. Ilagay sa isa o higit pang long brown envelope ang mga tinukoy sa bilang 6 at ipadala sa adres na nása ibaba:

Lupon sa Gawad Dangal ng Panitikan 2023

Komisyon sa Wikang Filipino
2/P Gusaling Watson, 1610 Kalye J.P. Laurel
San Miguel, Lungsod Maynila

8. Ang huling araw ng pagpapása ng nominasyon ay sa **13 Pebrero 2023, 5:00 nh.**
9. Ang tatanghaling Dangal ng Panitikan 2023 ay tatanggap ng naturang gawad sa iginagayak na programa ng KWF sa Araw ni Balagtas, **3 Abril 2023.**
10. Pára sa ibá pang detalye, tumawag o mag-text sa 0928-844-1349 o magpadalá ng email sa **timpalak.gawad@kwf.gov.ph**



TALAANG GINTO: MAKATA NG TAON 2023

Bukás na sa mga lahok!

Ang Talaang Gintô: Makata ng Taón ay isang patimpalak sa pagsulat ng tula na itinaguyod ng KWF na naglalayong pasiglahin at pataasin ang uri ng panulaang Filipino sa pamamagitan ng pagkilála sa mga batikan at baguhang talino at tinig sa sining ng tula.

Kailangang orihinal at nasusulat sa Filipino, hindi salin ng nalathala nang tula, at hindi pa nalalathala sa alinmang publikasyon. Ang sinumang mahúli at mapatunayang nagkasála ng pangongopya ay kakanselahin ng KWF ang ipinagwaging lahok nitó sa timpalak at hindi na muling makasasali pa sa

KOMISYON SA WIKANG FILIPINO
www.kwf.gov.ph
komfil@kwf.gov.ph





DANGAL NG PANITIKAN 2023

Bukás na para sa nominasyon!

Ang Gawad Dangal ng Panitikan ay ang mataas na pagkilála sa naiambag sa panitikang Pilipino o lifetime achievement award. Binibigyang-pagpupugay nitó ang natatanging manunulat na nagpakita ng pagpapahalaga sa kultura, kaakuhan, at kayamanang pamana, bukod sa pambihirang pagkasangkapan sa Filipino at ibá pang wikang panrehiyon o panlalawigan.

Bukás ang nominasyon sa mga institusyon at/o manunulat, laláki man o babae, na nakapag-ambag sa pagpapayaman ng panitikan ng Pilipinas. Ang mga ambag ay dapat na nagpapakita ng pagpapahalaga sa kultura, kaakuhan, at kayamanang pamana, bukod sa pambihirang pagkasangkapan sa wikang Filipino.

KOMISYON SA WIKANG FILIPINO
www.kwf.gov.ph
komfil@kwf.gov.ph

